



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

LVII. Kurfürst Friedrichs Schuldbrief für Achim von Bredow über eine von dem vorigen Kurfürsten herrührende Forderung des letztern von 110 Schock Böhm. Groschen, vom 30. Nov. 1441.

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

**LVII.** Kurfürst Friedrichs Schuldbrief für Achim von Bredow über eine von dem vorigen Kurfürsten herrührende Forderung des letztern von 110 Schock Böhm. Groschen, vom 30. Nov. 1441.

Wir friderich, von gots gnaden Marggraff czu Brandenburg, des heiligen Romischen Reichs Erczkammer vnd Burggraff czu Noremburg, Bekennen offenlich mit diesem brieffe fur allermeniglich die In sehen ader horen lesen, das wir vnsern lieben getruwen Achim von Bredow vnd synen rechten Erben vnd czu getruwer hant als synem vormunderer Alten Matthiesen von Bredow vnd synen rechten erben rechter redelicher vnd wissentlicher schulde von vnnsers lieben herrn vnd vaters seligen wegen schuldig worden syn vnd gelten sollen vnd wollen Hundert vnd czeihen schogk guter Behmischer groschen. Dieselbe Summe alle wir In an landeszwernge gutlicken vnd vnuorzogentlichen aufzichten vnd bezalen sollen vnd wollen vf die nehstkunftigen wynachten heiligen tage forder ober eyn Jar In vnnsere Stadt Berlin an yren schaden, Das anders redlicher bewislicher vnd vgeuerlicher schade heisz vnd were auff kisten pfande czu cristen ader czu Jüden on alles geuerde vnd des czu meher sichericheit haben wir obgnanpter Marggraff friderich dem obgnannten Achim vnd synen Erben vnd czu getruwer hant Alden Matthiesen synem vetteren vnd synem Erben czu vns vnuerscheidlich czu Burgen gefecz die hirnachgeschriben vnnsere lieben getruwen Arnden von krummensche, Ludeken von Arnym, Sigmunden von knobelouch vnd Otten Bardeleuen. Ob das were das wir vnser Erben vnd nachkomen sullich obingeschriben bezalung auff die obingeschriben czeit nicht teten das sie denn vmb alle obgeschriben stücke, schulde vnd sach behaftet syn vnd In aufzichte darvmb tun sollen on alles geuerde: vnd wie obgnannten Bürgen bekennen offenlich mit diesem briff das wir fur den obgnannten vnnsern gnedigen herrn sein erben vnd nachkomen gein den obgnannten Achim von Bredow vnd alten matthiesen sinem vetteren vnd yren erben gutwillige Burge worden syn, gereden vnd geloben by vnnsere guten waren truwen vnd mit eyner gefampter hant alles das stete vaste zu halten, zu tun vnd zu vulfuren, Als denn oben In diesem brieffe von vns geschriben steitt on als geuerde. Czu orkunde geben wir obgnannte Marggraff fridrich den obgnannten Achim vnd mathiesen von Bredow vnd iren erben diesen brief mit vnnsere vnd vnnsere obgnannten burgen anhangenden Ingezigel verligelt der gebin ist czu berlin, Am donerstag sannt Andrews tage des heiligen apostels, Nach cristi gebort virczenhundert vnd dornach Im ein vnd virczigsten Jar.

Nach dem Kurmärk. Lehnscopialbuche des K. Geh. Kab. Archives XX, 157.

**LVIII.** Arnd von Bredow erhält vom Kurfürsten die Erlaubnis zur Verpfändung von Hebungen aus Buchholz bei Berlin, am 28. Nov. 1442.

Item myn herre der hadt Arnd von Bredow gegonnet vnd erlobet, daz her magk vorsecczen vnd czu eynem rechten wederkoufe mag vorkoufen haffen Robel, elfen seiner elichin husfrowen, vnd iren erbin met namen Acht schogk geldes Siebenzehen groschen Sechsz vnd funfzig hurre Sieben lewte met dinste, zehend, vffardt vnd abefart vnd den driddenteil am obirsten vnd nedersten gericht Im dorffe zcu Bucholcz by berlin gelegen vor hundert vnd funff schog groschen an landeszwernge nach lute lines breses, den her dar obir genomen hat zcu Berlin, am Mittewochen nach sente katherinen tage, Anno domini M<sup>o</sup>. III<sup>o</sup>. XLII.

Nach dem Kurm. Lehnscopialbuche des K. Geh. Kab. Archives XX, 162.